

興國縣志卷之三

形勢

通天下大縣四十其隸於江西之贛者二而興國居其

一宋朱夢龍
莊令祠記

地僻谷荒山嵯水悍玉方諸山崇峙四面激濺二水交

流東南郭子章君
邑表說

兩都壯其祖龍五嶺隄其汎駛經以濺川抱以激水江

洄流平遂繁鉅鎮明盧宁朱
華塔記

龍華獨聳於羊山獅象互呈於靈岫上洛書石墨之異

覆笥儲玉牒之編卧石龍分疊山龜峙渡稱程水鄉齒

興國縣志 卷之三 形勢

儒林文溪接天池之餘派仰湖噴玉珠之靈泉明何應
彪文昌

閣記

諸峯絕壁驚伏奔湍可據為險者不可勝紀舊志

山盤谷稠風氣完固明劉鴻擊
壤會記

按興國在江右為邊境然不與閩廣接壤猶腹地也

山自東北而西南於形勢為右旋水以激濺為綱由

縣治之東合注於南於形勢為左旋顧水之分合易

稽山之脉絡難見今考覆笥為一邑之祖山邈其源

遠自庾嶺度峽而至火星嶺則左會昌而右武平是

為江閩之界至桃源嶺則左瑞金右出黃竹嶺為長

汀亦江閩之界由黃竹逶迤至站嶺隘則寧化石城
之分界也由隘嶺過楊公嶺有山鴻峻屹立千仞者
白水頂也中趨至塹頭隘山勢大斷若弛重憇踵乃
復豎脊挺步者曰留地山其水左流石城福村右出
寧化三村留地山一名香鑪峯其中出拔特者曰東
山障端卓如屏者曰羅家障自羅家障長舒十餘里
有峯曰青光嶺橫障排空洶若湧浪青光嶺左趨而
西爲車橋嶺爲安遠司遂聳起牙梳山凡閩浙江南
諸省郡悉祖牙梳蓋是山大障數十面頂有天池其
水深廣泓然澈淨山下之里曰招得廣信石城二縣

興國縣志

卷之三

形勢

之界也

以上節錄
寧化縣志

牙梳西行一支自金峯山逶迤至

秀嶺凡梅嶺五磔頭東龍諸山皆在南屬寧都州境
其北則白水寨等處爲廣昌縣境由秀嶺至會田嶺
雪竹嶺起高坊尖七星障分二支一支入南豐起軍
峯山而盡於撫州府一支起鷹峯山歷朗嘴東陂隘
則宜黃崇仁豐城諸山悉發源於此而其大盡爲南
昌省會由東陂隘西行起大墅嶺再起凌雲山則樂
安永豐吉水新淦樟樹鎮皆在凌雲山之北寧都雩
都皆在凌雲山之南

以上節錄
寧都州志

凌雲山又西行起竹
篙嶺歷三峯嶺入縣境之蓮花山過蜈蚣山起大烏

山大烏山高二十里蜿蜒至覆笥山然後南行而結
縣治允蓮花蜈蚣大烏覆笥以北諸山爲永豐廬陵
泰和之境其南則見於張損持太史道里考但道里
考專志界內諸山覆笥以上悉不及詳今自蓮花而
上溯源於寧都之凌雲山又溯源於石城之牙梳山
牙梳以上則溯源於江廣交界之大庾嶺庶幾極形
勢之大觀云

將志